


AMAKOMITI WENDLU YESIBETHAMTHETHO

- Umsebenzi omnengi we-NA wenziwa emaKomitini.
- Amakomiti we-NA abizwa ngokuthi maKomiti womSebenzi othileko.
- Umsebenzi wekomiti ngayinye ukhambisana nomnyango othintekako karhulumende. Isibonelo, iKomiti yomSebenzi othileko ephathelene nezokuRhwebelana namaBubulo iqalene neendaba zoke ezimayelana nomnyango wezokuRhwebelana namaBubulo.
- Ikomiti ngayinye inoSihlalo ukuqinisekisa ukukhamba kuhle komsebenzi.
- AmaKomiti womSebenzi othileko aqalene nemikhulumiswano, nekulumopikiswano nokukhibelela imithethomlingwa.
- AmaKomiti angabamba imihlangano yokuLalelwka komPhakathi ngokubethwa komthetho namkha izinto ezimalungana nomthetho .
- AmaKomiti godu nokwelusa nokutjhejisua umsebenzi weminyango karhulumende.

UKUZIBANDAKANYA KOMPHAKATHI

- NgokomThethosisekelo, iPalamende ikatelelekile ukubandakanya umphakathi ekubetheni umthetho nezinye iinkambiso zePalamende.
- AmaKomiti wemiSebenzi ethileko akatelelekile ukukhulumisana namalunga womphakathi kobana afunyane imibono ngomThethomlingwa namkha ukulalela amazizo ngeendaba eziqakathekileko zenarha.
- Umphakathi uyakhuthazwa ukuzibandakanya ngokuzimisela lokha amaKomiti nakabamba imihlangano yokuLalelwka komPhakathi.
- abantu namkha iinqhema nabo bayakhuthazwa ukwethula iintjhukumiso ezitloliveko namkha ngomlomo ngalokho okumnako kibo.
- Amalunga womPhakathi anelungelo lokuzibandakanya eenkambisweni zePalamende ngo:
 - kuya emihlanganweni yamaKomiti wemiSebenzi ethileko.
 - kuthintana namaLunga wePalamende wange-NA ukubuza namkha kubawa ilwazi ngomsebenzabo ePalamende.
 - kukhambela imiHlangano yomPhakathi ebanjwa maKomiti womSebenzi othileko.
 - kuhlonipha iinkulomo ngendlini yePalamende isib. IKulumoPikiswano ngeSabelommali.
 - kunghonghoyilela iPalamende ngezinye nezinye iindaba ezimnako otshwenyaka.

Iphetjhaneli liyatholakala ngamalimi woke wangokomthetho weSewula Afrika.



National Assembly

IPALAMENDE YESEWULA AFRIKA

IPalamende yakhiwe ziziNdlu ezimbili, isiBethamthetho seNarha nomKhandlu weNarha owengamele iimFunda.

ISIBETHAMTHETHO SENARHA (I-NA)

- I-NA ikhethwa qobe minyaka emihlanu emakhethweni wenarha.
- Nakukhethwako, abavowudi bakhetha labo abafuna kobana babe bajameli babo ngokuvowudela iinhlangano zepolotiki abazithandako.

INDIMA YESIBETHAMTHETHO SENARHA

I-NA inesibopho somthethosisekelo se:

Ndima yokubetha umThetho

- Omunye wemisebenzi emikhulu ye-NA kubetha imithetho okubuswa ngayo inarha.
- I-NA idlulisela imithethomlingwa kumaKomidi ukobana ilungiswe begodu kubanjwe ikulumopiswano ngayo.
- I-NA ingaphasisa, irarhe namkha ibuyisele imithethomlingwa kumaKomidi ukobana akhulumisane ngayo ngokunabileko godu.

INdima yokutjhejisisa

- IPalamende inesibopho sokuqalisisa, itjhejisise begodu iluse izenzo zakarhulumende namkha elinye nelinye iphiko lomBuso, mayelana nokusetjenziswa kwemithetho, ukusetjenziswa kwesabelo seemali nokutjhejwa komThethosisekelo.
- IPalamende yenza isiGungu siziphendulele kiyo ngokuphasisa isabelo seemali, ngokuba imibuzo evela ePalamende, ngokuba neenkulumopikiswano zepalamende ngezinto eziqakathekileko nangokuphakamisa ngokuvowudela iintjhukumiso ezimayelana nomsebenzi karhulumende.

Khetha uMongameli

- I-NA inesibopho somthethosisekelo ukukhetha uMongameli weSewula Afrika hlangana namaLunga wayo.

ISAKHIWO SESIBETHAMTHETHO SENARHA

- I-NA yakhiwe maLunga wePalamende akhethiweko ama-400 (LP).
- Amalunga we-NA akhethwa ngokwehlelo elibizwa ngokobana kujameleka ngokwenana lamavowudu.
- Ngaphambi kwamakhetho, ihlango ngayinye itlola irhelo labongikhethani ngendlela efuna balandelane ngayo. Abongikhethanaba bakhethwa ngokulingana nesibalo samavowudu ihlango ewathumba emakhethweni. Isibonelo, ihlango nayithumba incenye yamavowudu, izakufunyana incenye yeentulo nge-NA.

ABASEENKHUNDLENI NGESIBETHAMTHETHWENI SENARHA

IimPhathiswa eziNgameleko

- Ekuhlaleni kokuthoma kwe-NA, amalunga we-NA akhetha uSomlomo noSekela Somlomo ababizwa njengeemPhathiswa eziNgamele ukuhlala kweNdlu.
- IimPhathiswa eziNgameleko zinikelwe igunya lokuphatha iindaba ze-NA.
- USomlomo noSekela Somlomo bePalamende bangamela imihlangano ye-NA.
- Bayaqinisekisa kobana amaLunga wePalamende akhuluma ngokutjhaphulukileko, kodwana bayelela imithetho yeNdlu.

AboSihlalo beNdlu

Imithetho yeNdlu ineenqalelelo ezipumela aboSihlalo beNdlu ukusiza iimPhathiswa ezeNgameleko ekwenzeni umsebenzabo. AboSihlalo beNdlu nabo bangalindeleka ukungamela ukuhlala kweNdlu.

Imisebenzi yaboSihlalo beNdlu ifaka:

- Ukuhlanganisa umsebenzi wamaKomiti
- Ukulungisa imibiko yokubethwa komthetho
- Ukuhlanganisa imisebenzi yamaKomiti yokutjhejisisa
- Ukunikela isekelo lezepolotiki namano eemPhathisweni eziNgameleko.

AboSosibebhe abaKhulu

- Ihlango ngayinye yepolotiki nge-NA ikhetha uSosibebhe omKhulu ozakutjheja iindaba zayo.
- Abososibebhe batjheja amaLunga weenhangano zabo.

UmRholi wemiSebenzi kaRhulumende

- UMongameli ukhetha umRholi wemiSebenzi kaRhulumende osebenzisana nabaseenkhundleni ngeziNdlini zombili.
- UmRholi wemiSebenzi kaRhulumende unesibopho sokuqalena neendingo zesiGungu nemisebenzi kaRhulumende ePalamende.
- UmRholi wemiSebenzi kaRhulumende uqinisekisa kobana amaLunga wesiGungu enza imisebenzi yawo yePalamende.